

Aita Santuak meza eman zuen atzo eta «ongi» dagoela dio Vatikanokoak

■ Vatikanokoak

berretsi egin ditu

Aita Santuak

irailean egin

beharreko bidaiak

Efe / Vatikanoko

«JOAN PAULO II.a aita santua ongi dago eta ohi bezala goizeko meza eman du», adierazi zuen atzo Vatikanoko prentsa bulegoko zuzendariordeak, Ciro Benedittinik. Benedittinik azpimarratu zuenez, «Aita Santuak etorkizunean dituen konpromezu guztiak baieztatuak daude». Joan Paulo II.a irailean Hungariara eta Frantziara joango da: irailearen 6an eta 7an Hungaria bisitatuko du eta 19tik 22ra Frantzia.

Benedittiren adierazpenek Aita Santuaren osasun egoerari buruzko zalantzak uxatu nahi dituzte. Joan Paulo II.ari osasun azterketa egin zioten asteazkenean, abdominaletan mina zuelako. Aita Santua oporrak pasatzen ari da Castalgandofon eta herenegun balkoitik Angelusa erreztatu zuen arren, goizean ez zuen meza eman eta horrek bere osasun egoeraz zalantzak sortu zituen.

Italiako komunikabideek adierazi zuten, Angelusa erreztatzen «oso nekatur» zirela. Oraingo ondorena 1992an kolonean zuen tumorera kentzeko egin zioten ebakuntzarekin lotu dute. X

Hiru labankada eman dizkiote Lasarteko lagun bati

■ Borrokaren ostean

ospitallean elkar ikusi

zutenean adiskidetu

egin ziren

Efe / Donostia

LASARTEKO 43 urteko F.L.A.-k hiru labankada jaso zituen herenegun Legazpiako 20 urteko A.R.I.-rekin borrokan ari zela. Borrokaren ostean biet lagundu zieten laguntza zerbitzuaren arabera, Arantzazuko Amaren ospitalean berriro elkar ikusi ondoren, adiskidetu egin ziren. Anbulantzia ezberdinetan eramane zizuten arren, ospitalean elkartu zirenean bakeak egin zituzten.

Borrokan biak zauritu ziren, baina Lasarteko F.L.A.ren zauriak larriagoak direnez, oraindik ospitalean jarraitzen du. Lasartekoak hiru labankada jaso zituen bularraldean. Legazpiko gazteak, berriz, zauriak zituen ezkerreko eskuan eta hantkan, eta dagoeneko etxean da. Liskarra ostegun goizeko 8:30etan hasi zen Lasarten, baina oraindik ez dakite zergatik. X

HALA ERE, AZKEN 25 URTEOTAN BASO AZALERA OSOAREN % 15 ERRE DA IZAN DIREN SUTEETAN

Itzaltzearen eraginkortasunak baso-suteak murriztu ditu EAEn

■ Baso-suteak erregularitasunez gertatzen dira Euskal Autonomi Elkartearen (EAE), oso larriak izaten ez badira ere. Azken 25 urteotan EAEn 5.000 sute izan dira eta 70.000 hektarea inguruko azalera erre da, hau da, baso azalera osoaren % 15.

Erredakzioa / Bilbo

DATU HAUEK guztiak Greenpeacek kaleratu berri duen *Suteak, Espainiako baso ekosistemak xakea* izenburuko txostenean jasotzen dira. Lanean aurreikusten denez, erretako egurraren % 93 prezio baxuan saltzen da industriarako.

Azken 25 urteetan suterik gehien izan zen sasoiak 80ko hamarkadako bigarren erdialdea izan zen; izan ere, epe horretan urtero 400 sute inguru izan ziren. Azken urteetan, berriz, asko murriztu dira sute-guneak, eta hori, Espainiako Estatuko datuak kontuan hartuta, Euskal Autonomi Elkartearen soilik gertatu da.

Laurogeiko hamarkadan urtero baso azaleraren % 1,51 erretzen zen eta 90eko hamarkadako lehenengo erdialdean proportzio hau % 0,13ra murriztu da. Dendarik gabe, 1989. urtea baso-suteen urte beltza izan zen. Urte horretan sute ugari izan ziren —1.300 inguru, urteko batez bestekoa 100 bazen ere—, eta guztira 30.759 baso hektarea erre ziren, batez besteko historikoa urtean 2.000 hektareakoa bazen ere. Ordutik urtero erretako azaleraren batez bestekoa 600 hektareakoa izan da.

Azken urteetan erretako azaleraren murrizketan eragina duten faktoreen artean suteak itzaltzeko eraginkortasuna nabarmendu du talde ekologistak txostenean. Bertan jasotzen denez, 1989. urtean kopuruek gora egin zuten eta suteko 23 hektareara heldu ziren. Azken urteetan, berriz, sute bakoitzeko erretako azalera 5 hektarean mantendu da. Indize hau teorikoki onargarritzat jotzen da suteen itzalketaren eraginkortasunari dagokionez.

Aurtengo datuei dagokienez, uztailera arte guztira 60 hektarea baso erre dira, iazko sasoi honetan baino 47 hektarea gutxiago.



80ko hamarkadan sute asko izan ziren EAEn basoetan.

ARTXIBOKOA

Dena dela, beste autonomi elkarteetan ez bezala EAEn udazkena izaten da suteen arrisku sasoiak.

Pinus insignis espezie

kaltetuena da • Baso-suteen ondorioz gehien kaltetutako zuhaitz espeziea *pinus radiata* edo Monterrey-ko pinua edo *pinus insignis*-a izan da. Kaliforniatik ekarritako konifera hau joan den mendean landatu zuten bere garapen azkarragatik. Pinu mota hau espezierik kaltetuena izateko arrazoia da suak hartzeko arriskua oso altua dela, beste zuhaitzena baino askoz handiagoa, eta Euskal Autonomi Elkartearen baso masaren % 42a espezie honetakoa dela.

Azken hamar urteetan EAEn izan diren suteetan erretako egurraren % 93 merkataritza ustiakarako berreskuratu zen oso prezio baxuan, Greenpeace taldearen txostenean jasotzen denez.

Aipaturiko lanaren arabera, 1995-1996 urteen bitartean erre ziren 7.675 baso hektareatan, guztira 60.438 m³ egur bolumena erre ziren eta hauetatik 56.178 berreskuratu ziren industriarako. Espainiari dagozkionez, epe berean 16 milioi m³ egur erre ziren. Erretako egurraren % 76 inguru berreskuratu egin zen, baina bere prezioa erre gabeko egur berdearena baino bost aldiz txikiagoa izan zen.

Ildo honetan, Greenpeacek

txostenean egin duen salaketako batean zurean prezioa merkatzeko helburuz nahita sortzen diren suteei buruzkoa da. Arrazoi honengatik, talde ekologistak instituzioei egiten dien gomendioetako bat honakoa da: erretako egurraren merkataritzan gardentasun eta kontrol handiagoa lortzeko beharrezko bitartekoak indarrean jartzeko. Materia hau paperaren eta konglomeratuaren industrian erabiltzen da gehienbat.

Erretako espezieen artean berreskuratze indize handiena duena *pinus insignis*-a da, % 94ko berreskuratze mailarekin (50.123 m³). Hau da, EAEn erre eta berreskuratutako egurraren % 89. X

**BEREZITASUNAK:
DIRU KUTXAK
ZERRAILAK
GILTZEN FABRIKAZIOA**



24 orduak
907 52 33 33

USANDIZAGA, 16
Tel.: 27 18 14

MIGUEL IMAZ, 6
Tel.: 29 16 81

GROS - DONOSTIA

**BEASAINGO IKASTOLAK 1996-97
ikastarorako BALIO ANITZEKO
IRAKASLEAK BEHAR DITU**

Haur Hezkuntza eta lehen Hezkuntzarako, *Ingelera, soinketa eta psikomotrizitatea, musika, informatika, bibliotekonomia eta komunikazioan gaituak.*

BIDALI KURRIKULUMak abuztuaren 21a baino lehen, Beasaingo Esteban Lasa, 3ra. Telef.: 88 53 12